

Հայկական միջնադարյան զանգերը գրեթե չեն ուսումնասիրվել: Փոքր չափերի մի զանգի լուսանկար է բերված Ս. Փափազյանցի մոտ<sup>11</sup> (զանգը գտնվել է Վայոց Ձորի Դայլախլու գյուղում): Հետագայում այդ լուսանկարը մտել է Նախիջևանի փոխանորդ Գրիգոր վարդապետ Հակոբյանի հավաքածուի մեջ:

Տաթևի հին զանգակատան շինությունը վերագրվում է Հովհան Որոտնեցուն: Սակայն Ստեփանոս Օրբելյանի կողմից զանգերի պատվիրման փաստը ցույց է տալիս, որ հենց Ստ. Օրբելյանն է սկսել նրա շինարարությունը, իսկ ավարտել է Որոտնեցին<sup>12</sup>: Մինչև 1931 թ. երկրաշարժը զանգերը կախված են եղել արդեն նոր զանգակատանը:

Տաթևի զանգերից մեկի վրա կա երկու տողանոց, մյուսի վրա՝ երեք տողանոց արձանագրություն, տարբեր բովանդակությամբ: Այդ արձանագրությունները հրապարակված են<sup>13</sup>, սակայն մասամբ թերի, մասամբ էլ՝ սխալաշատ և վրիպակներով:

Բերում ենք այդ արձանագրությունները լրիվ վերծանությամբ: Սովորական հապավումները բացում ենք առանց նշման, իսկ մյուսները՝ անկյունավոր փակագծերով:

### Առաջին զանգ

1. ԼՍԵԼԻ ԱՐԱ ԻՆՁ, ՏԷՐ, ԶԶԱՅՆ ՅՆԾՈՒԹԵԱՆ ԵՒ ԶՈՒՐԱԽՈՒԹԵԱՆ<sup>14</sup>

[ 15; ԶԾԱ ԹՎ<sup>16</sup>:

2. ԱՆԵՂԷՆ<sup>17</sup> ԾՆՈ[Ի]ՆԳԵԱ[Մ]Բ<sup>18</sup> ԶՏԷՐ ԱՍ[Ե]Փ[ԱՆՈՍ] ՍԻՆԵԱՅ ԳԱՀԻ<sup>19</sup> ԿՈԶԵԱ Ի ՓԱՌՍԿ ԶԱՅՐԵՆԵՒ<sup>21</sup>:

Տե՛ս Բարկեն Առաքելյան, Քաղաքները և արհեստները Հայաստանում IX—XIII դդ., I, Երևան, 1953, էջ 161:

<sup>11</sup> Ս. Փափագեանց, Հնութիւնք վանորէից Հայոց, Գիրք V, Սիւնաց աշխարհ, Վաղարշապատ, 1895, լուսանկար 35113:

<sup>12</sup> Մ. Տեր-Մովսիսյան, Հայաստանի երեք մեծ վանքերի՝ Տաթևի, Հաղարծնի և Դաղի եկեղեցիները և վանական շինությունները, Երուսաղեմ, 1938, էջ 40:

<sup>13</sup> Տե՛ս Ղ. Ալիշան, Սիսական, էջ 236, Ս. Փափազյանց, նշվ. աշխ., Ե. Լալայան, Տաթև, «Ազգ. հանդէս», գիրք Գ, Թիֆլիս, 1898, № 1, էջ 141, Կ. Կոստանեանց, Վիմակա՛ն տարեգիր, Ս. Պետերբուրգ, 1913, էջ 153—154, Մ. Տեր-Մովսիսյան, նշվ. աշխ., էջ 47, Ս. Բարխուդարյան, Դիվան հայ վիմագրության, պրակ II, Երևան, 1960, էջ 37:

<sup>14</sup> Ե. Լալայանի մոտ՝ ՈՒՐԱԽՈՒԹԵԱՆ:

<sup>15</sup> Այստեղ նշան կա, որ չի ընթերցվում, իսկ նախորդ հրատարակիչների մոտ չի հիշատակվում: Մենք հակված ենք այն դիտելու որպես վարպետի նշան:

<sup>16</sup> Ս. Փափազյանցի մոտ սույն արձանագրությունը պակասում է:

<sup>17</sup> Ալիշան, Լալայան, Կոստանյանց, Բարխուդարյան՝ ԱՆԵՂԷՆ, Փափազյանց, Տեր-Մովսիսյան՝ ԱՆԵՂ ԷՒՆ:

<sup>18</sup> Նախորդ հրատարակիչներ՝ ԾՆՆԳԵԱՄԲ:

<sup>19</sup> Ալիշան, Լալայան, Կոստանյանց, Բարխուդարյան՝ ԳԱՀԻՆ:

<sup>20</sup> Փափազյանց՝ ԿՈԶԵԱՅ:

<sup>21</sup> Ալիշան, Լալայան, Կոստանյանց, Բարխուդարյան՝ ԶԱՅՐԵՆԵԱՅ: